

[GAO 2018ko apirilaren 6an 66. ZK](#)

Iragarkia

Udalbatza Osoak, 2018ko martxoaren 27an egindako ohiko bileran, legeak ezartzen duen quorumarekin ondorengo erabakia hartu zuen:

Lehenik. «Beasaingo Udal hilerrian kolunbario zerbitzua arautzeko ordenantzaren» testuaren, hizkuntzari dagokionean, errebisioa onartzea, edukia aldatu gabe.

Bigarren. Gipuzkoako Aldizkari Ofizialean nahiz Beasaingo Udalaren Web orrian, www.beasain.eus, argitaratzea, adieraziz Administrazio bidean behin betikoa den ebazpen honen aurka, Administrazioaren aurkako helegitea jar daiteke Gipuzkoako Administrazioaren aurkako Auzi-gaien Epaitegiaren aurrean, jakinarazpen hau jasotako egunaren biharamunetik hasita zenbatutako bi hilabeteko epearen barruan. Hala nahi izanez gero, bide Administrazioaren aurkako auzi-bideari ekin aurretik, birjarpen-helegitea jarri ahal izango da ebazpena eman zuen organoaren aurrean, jakinarazpen hau jasotako egunaren biharamunean hasita zenbatutako hilabeteko epean.

Hori guztia, aurretik adierazitako urriaren leko 39/2015 Legearen 123. eta 124. artikuluetan eta kidekoetan ezarritakoarekin bat etorritz, eta zure eskubideak babesteko egoki irizten dituzun egintzak egin edo errekurtsioak aurkezteari kalterik egin gabe.

Beasain, 2018ko martxoaren 28a.-Aitor Aldasoro Iturbe,
alkatea. (2270)

KOLUNBARIOEN ORDENANTZA

Beasaingo Udal hilerrian kolunbario zerbitzua arautzeko ordenantza.

1. artikulua. Xedea.

Beasaingo Udal hilerrian kolunbarioen erabilera eta okupazioa arautzea da Ordenantzaren xedea.

2. artikulua. Kontzeptua.

Erraustutako hilotzaren edo gorpuzkinen errauts-kutxatila gordetzeko lekuari esaten zaio kolunbario.

3. artikulua. Kokapena.

Kolunbarioak udal hilerrian daude eta bakoitzak errauts-kutxatila bakarra gorde dezake. Era berean, kutxatila hilotz bakar baten edo horren gorpuzkinen errautsak bakarrik gorde ahal izango ditu; edota hilobi beretik ateratako gorpuzkinenak.

4. artikulua. Helburua.

Honako pertsona hauen errautsak gorde ahal izango dira: Udalerrian erroldatu, jaio edota lotura izan dutenenak, aurretik udalari eskatu eta honek aldeko ebazpena eman badu.

Udal honetako hilerrian senitartekoak ehortzita dituztenenak, baldin eta hauek lehen gradukoak badira (ama, aita, seme-alabak): Hilobiaren emakida administratiboa bukatzen denean, edo gorpua hobitik ateratzen denean, errautsak utzi ahal izango dituzte; aurretik eskatu, eta gorpuzkinak erraustu, ondoren.

5. artikulua. Eskariak.

Kolunbarioaren eskatzaileak pertsona fisikoa izan behar du, eta Udaleko Erregistroan honako dokumentazio hau aurkeztu beharko du, eskari-inprimakiarekin batera:

- Edozein errausketa-labetan erraustu izana egiaztatzen duen dokumentua.
- Aurretik lurperatuak izan ez diren hilotzen errauts-kutxatila baldin badira, Erregistro Zibileko heriotza-inskripzioa.
- Udal-tasa autolikidatu izanaren agiria.

Udalak eskaria aztertu ondoren dagokion erabakia hartuko du.

Udalak eskaria onartu eta aldeko erabakiaren berri eman ondoren, gehienez hamabost eguneko epean gorde beharko da errauts-kutxatila kolunbarioan. Hala egiten ez bada, bestelako tramiterik gabe, eskatzaileak emakidari uko egin diola ulertuko du Udalak.

Aldeko erabakiak emakidadunaren izena eta abizenak, kolunbario-zenbakia eta emakidaren data eta epea jaso beharko ditu, gutxienez.

Dena den, erabakia kontrakoa balitz, ordaindutako tasa bueltatu egingo zaio eskatzaileari.

Emakida jaso ostean, interesdunak hilerrira joan beharko du bertako lan-ordutegiaren barruan. Udalaren aldeko erabakiari dagokion

dokumentua erakutsi eta errauts-kutxatila hilerriko langileei eman beharko die, eurek gordeko baitute dagokion kolunbarioan.

Ezingo da inolaz ere kolunbarioko aterik ireki emakida-epea amaitu arte. Emakidadunak errauts-kutxatila aldeztu aurretik erretiratu nahi badu, eskaria aurkeztu beharko dio Udalari, eta horrek onartu ondoren, emakida bukatutzat hartuko da.

6. artikulua. Emakida-epea.

Kolunbario-unitatea erabiltzeko epea (behin behineko emakida) hamar urtekoa izango da, baimenaren jakinarazpena egiten den egunetik aurrera.

Interesdunari dagozkion arrazoiak medio epea amaitu aurretik etengo balitz emakida, pertsona horri ez zaio ordaindutako zenbatekoa bueltatuko, ez osorik ez zatirik, ez baitu horretarako eskubiderik izango.

Emakida-epea amaitu eta hilabetera inork ez badu errauts-kutxatila jasotzeko eskatu, Udalak hezurtoki komunera eramango du.

Emakida-epea, behin bakarrik, beste hamar urtez luzatu ahal izango da, epe hori amaitu baino hilabete lehenago, gutxienez, eskaria egin eta une horretan indarrean den tasa ordainduz gero.

Emakida-epea ez dute luzatu ahal izango aurretik ehortzitako gorpuzkinak dituzten errauts-kutxatilak badira, udal hilerrikoak zein beste leku batekoak izan.

Udalak eskaria aztertu ondoren dagokion erabakia hartuko du. Udalak emakida-epea luzatzea ukatu dezake baldin eta hurrengo urteetako beharrei erantzuteko beste toki ez dagoela uste badu.

7. artikulua. Tasak.

Kolunbarioa erabili ahal izateko, Hilerriko Zerbitzu Publikoak eskaini edo Jarduera Administrazioak burutzeagatiko Tasak arautzen dituen Ordenantza fiskalaren eranskinean urtero xedatzen den tasa ordaindu beharko da.

8. artikulua. Errauste-kutxatilak gordetzeko era.

Errauste-kutxatilak modu antolatuan gordeko dira kolunbarioetan, hau da, ezkerretik eskuinera eta behetik gora. Beraz, ezingo da hurrengo ilarako kolunbariorik erabili aurrekoa erabat beteta egon arte.

Emakida luzatzen denean, errautsak dauden lekuan mantenduko dira emakida amaitu arte.

9. artikulua. Kolunbarioen erregistroa.

Udalak kolunbarioen erregistroa izango du, eta bertan eskatzailearen izena eta abizenak, erraustuaren izena eta abizenak, kolunbario-zenbakia, emakida-data eta epea jasoko dira, gutxienez.

10. artikulua. Kolunbarioen ezaugarriak eta apaingarriak.

Kolunbarioek honako neurri, erabilgarri, hauek izango dituzte: Zabaleran 20 cm, altueran 31 cm, eta sakoneran beste 20 cm.

Inskripzio elementuak denak berdinak izango dira eta udalak erabilera honetarako araututako eredua jarraituz eginak izango dira. Osagai honen kostua eskatzailearen gain joango da. Era berean gauzatzeko unean, udalak baimendutako hornitzaileekin, izan behar diren hartu-emanak ere.

Osagaia egin ondoren, udalaren eskuetan utziko da; honek jarri ahal izateko, guzti hau emakidaren ebazpena jaso eta gehienez ere hilabeteko epean.

Plaka horretan hildakoaren izena eta abizenak edo ezizena azalduko dira, eta horrekin batera heriotzaren data edo jaiotza- eta heriotza-datak, eskatzaileak eskaria egitean aukeratutakoaren arabera.

11. artikulua. Kalteak.

Hilerriko esparruaren zaintza egingo du Beasaingo Udalak, baina Udalak ez du bere gain hartzen errauste-kutxatilarari edota plakari hirugarrenek egindako lapurreta edo kalteen erantzukizunik. Era berean, ez du bere gain hartzen naturak (haizatze bortitzak,...) eragindako kalteen erantzukizunik.

12. artikulua. Ordenantzaren interpretazioa.

Alkateak eskumena izango du honako Ordenantza hau aplikatu eta gartzeko beharrezkoak diren arauak emateko, eta baita ere Ordenantzaren interpretazioan sortu litezkeen zalantzak erabakitzeke.